

## G J A L D S K R Á

### Rafveitu Njarðvíkur.

Rafveita Njarðvíkur selur raforku á þann hátt, og við því verði, sem hér segir:

#### A. Lýsing.

1. Um kwst.mæli á kr. 5.20 hverja kwst.

#### B. Almenn heimilisnotkun.

Um kwst.mæli á 115 aura hverja kwst. Auk þess skal greiða fastagjald kr. 0.50 á mánuði af gólfplatarmetra íbúðar. Leiga af einum mæli er innifalin í fastagjaldinu.

#### C. Vélanotkun.

1. Um kwst.mæli á kr. 2.82 hverja kwst. Hafi vélarnar mjög stuttan notkunartíma, má krefjast minnsta árgjalds, krónur 575.00, á hvert uppsett kw. vélanna.
2. Til fiskiðnaðar, með fasttengdum vélum kr. 2.80 hverja kwst.
3. Ef uppsett rafvélaafl fasttengdra véla við fisk-, kjöt- eða mjólkuriðnað er yfir 20 kw.
  - a. Um kwst.mæli á 84 aura hverja kwst., enda megi þá rjúfa strauminn í allt að 3 klst. á dag, á tíma mesta álags rafveitunnar um hádegið og síðdegis, en þó eigi lengur en  $1\frac{1}{2}$  klst. í senn. Notandi kostar klukkurofa fyrir vélalagnir eða tvígjaldsmæli, sem settur er til eftirlits með að rofið sé á tilskildum tímum.
  - b. Um tvígjaldsmæli á kr. 5.00 hverja kwst. í  $1\frac{1}{2}$  klst. tvisvar sinnum á dag á tímum mesta álags rafveitunnar, en á 84 aura hverja kwst. utan þeirra tíma.
  - c. Um tvígjaldsmæli á kr. 5.00 hverja kwst. í  $1\frac{1}{2}$  klst. á dag á tímum mesta álags rafveitunnar, en þó eigi lengur en 1 klst. í senn, en á 90 aura hverja kwst. utan þess tíma.
4. Um mæli á kr. 1300.00 fyrir hvert kw. mesta notaðs afls á árinu, mælt sem 15 mínútna meðalálág og auk þess 0.48 aurar á notaða kwst.

#### D. Stórnotkun.

Um mæla þannig reiknað, enda sé aflnotkun minnst 200 KW.:

Aflgjald 1600.00 kr. árskr.W.

Orkugjald 0.18 kr. hverja kWh.

Sala skv. þessum lið er háð ákvörðun rafveitunefndar.

#### E. Hitun.

1. Um kwst.mæli á 48 aura hverja kwst., enda megi þá rjúfa strauminn í allt að 3 klst. á dag á tímum mesta álags rafveitunnar um hádegið og síðdegis, en þó eigi lengur en  $1\frac{1}{2}$  klst. í senn.
2. Um kwst.mæli á 22 aura hverja kwst., í 9 klst. á tímanum frá kl. 22 til 7.

*Önnur skilyrði fyrir raforkusölu til hitunar.*

- Að vélaafl, línur og spennar þoli álagið að dómi rafveitustjóra.
- Að notandi setji klukkurofa fyrir hitalögnina og kosti viðhald þeirra. Þó getur rafveitustjóri ákveðið, að rafveitan leggi til rofa og annist viðhald þeirra. Kostar þá notandinn tengingu þeirra og greiðir leigu af þeim, samkvæmt reglum, sem gilda um leigu mæla.
- Að hitalagnir, þar með talin öll tæki, séu gerð samkvæmt fyrirmælum rafveitunnar, ofnar fasttengdir með sérstökum rofum og hitastillar notaðir.

**F. Önnur raforkusala.**

- Raforku til suðu má selja til gistihúsa, veitingahúsa, sjúkrahúsa og annarra slíkra staða á 1.50 kr. hverja kwst., enda sé notkun mæld um sérmæli og suðutæki fasttengd.
- Til nota um vinnulagnir við byggingar, meðan á byggingu stendur, um kwst.-mæli á kr. 2.90 hverja kwst.
- Til bökunarofna í brauðgerðarhúsum um kwst.mæli á 48 aura hverja kwst. á tímanum frá kl. 22 til 8.30 og kr. 1.15 hverja kwst. frá kl. 8.30 til kl. 22.
- Til gatnalýsingar á 160 aura hverja kwst.

Alla rafmagnsnotkun, sem ótalin er, og ekki kemst undir aðra liði þessarar gjaldskrár, skal selja eftir gjaldskrárlið A—1.

**G. Mælaleigur.**

Rafveitustjóri ákveður stærð og gerð mælitækja, sem nota skal fyrir hverri veitu og er sú ákvörðun skuldbindandi fyrir notandann, sem skal greiða leigu af mælitækjum sem hér segir:

- |                                          |                    |
|------------------------------------------|--------------------|
| 1. Af einfasa mælum upp að 30 amp. ....  | kr. 7.50 á mánuði. |
| 2. Af þrífasa mælum upp að 50 amp. ....  | — 9.50 — —         |
| 3. Af þrífasa mælum 50 til 220 amp. .... | — 24.00 — —        |
| 4. Af þrífasa mælum yfir 200 amp. ....   | — 34.50 — —        |

Af öðrum mælitækjum en þeim, sem nefnd eru í gjaldskránni, skal ársleigan vera sem næst 20% af verði mælitækisins. Leigan er innheimt um leið og gjald fyrir raforku.

**H. Opnunargjöld.**

- Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veituna, skal taka gjald fyrir enduropnun 100 krónur.
- Ef fundin eru við skoðun óleyfileg eða of stór vör, skal veitunni lokað tafarlaust, og verður hún eigi opnuð aftur, fyrr en notandi hefur greitt 200 króna gjald á skrifstofu rafveitunnar.
- Verði raforkunotandi uppvís að notkun raforku án mælingar, skal hann sæta ábyrgðum skv. lið 2, nema þyngri refsing liggja við.

**I. Heimtaugargjöld.**

Rafveitustjóri ákveður stærð og gerð heimtaugar og/eða spennistöðvar fyrir húsveitu. Umsækjandi heimtaugar skal gera grein fyrir væntanlegri notkun húsnaðis og helztu raforkunotkun, jafnframt leggja fram raflagnateikningar.

Ein heimtaug er lögð að hverri eign (á sömu lóð) og skal greitt heimtaugargjald af hverri heimtaug (spennist.) fyrir allt að 15 m jarðstrengsheimtaug frá jarðstrengskerfi og allt að 30 m loftlínuheimtaug frá loftlínukerfi samkvæmt eftirfarandi töflu:

| Gjald-<br>skrárliður | Málstraumur stofnvara      |                            | Hámarksafl<br>KVA. | Heimtaugargjald |
|----------------------|----------------------------|----------------------------|--------------------|-----------------|
|                      | í 3 × 220 W<br>Kerfi. AMP. | í 3 × 380 W<br>Kerfi. AMP. |                    |                 |
| 1.                   | 2 × 60                     | 1 × 60                     | 13                 | 4 600.00        |
| 2.                   | 3 × 60                     | 2 × 60                     | 22                 | 6 095.00        |
| 3.                   | 3 × 100                    | 3 × 60                     | 38                 | 8 740.00        |
| 4.                   |                            |                            | 50 sp.             | 10 350.00       |
| 5.                   |                            | 3 × 100                    | 66                 | 14 375.00       |
| 6.                   | 3 × 200                    |                            | 75                 | 17 480.00       |
| 7.                   |                            |                            | 100 sp.            | 20 700.00       |
| 8.                   | 3 × 350                    | 3 × 300                    | 132                | 28 692.50       |
| 9.                   |                            |                            | 150 sp.            | 32 910.00       |
| 10.                  |                            |                            | 200 sp.            | 41 400.00       |
| 11.                  |                            | 3 × 350                    | 231                | 47 725.00       |
| 12.                  |                            |                            | 300                | 65 840.00       |
| 13.                  |                            |                            | 500                | 110 000.00      |

(sp. = spennir.)

Lengd heimtaugar reiknast frá lóðarmörkum við götu, stytzu greiðfæra leið að varkassa á útvegg. Teljist hagkvæmara að hafa kassa á innvegg, skal leita samþykkis rafveitustjóra um gerð og frágang pípu, sem strengurinn verður dreginn í.

Sé jarðlínuheimtaug lögð frá loftlínu (samkv. ósk heimtaugarbeiðanda), skal lengd heimtaugar reiknuð frá loftlínustólpa að inntakskassa, en þveri heimtaugin akbraut, skal breidd akbrautar dregin frá.

Yfirlengdargjald jarðstrengs reiknast á hvern metra, umfram fyrstu 15 m, þannig:  $Y_j = (250 + 4 \text{ KWA}) \text{ kr/m.}$

Yfirlengdargjald loftlínu reiknast á hvern metra, umfram fyrstu 30 m, þannig:  $Y_1 = (50 + 3 \text{ KWA}) \text{ kr/m}$  að viðbættum kr. 2500.00 á hvern staur í umframlengd.

Sé lögð bráðabirgðaheimtaug í vinnuskúr eða hús í byggingu, skal greitt fyrir hana, sem hér segir:

|                       |             |
|-----------------------|-------------|
| 60 amp. einfasa ..... | kr. 1150.00 |
| 60 — þrífasa .....    | — 1380.00   |

Séu aðstæður þannig, að kostnaður við lagningu bráðabirgðarheimtaugar verði óeðlilega hár, má taka gjald fyrir hana samkvæmt kostnaði.

Telji rafveitustjóri að auka þurfi flutningsgetu heimtaugar eða spennis, skal notandi greiða mismun, samkvæmt gjaldskrá. Sé nauðsynlegt eða hagkvæmara að setja upp spennistöð að mestu eða öllu leyti vegna eins notanda, skal hann leggja til lóð eða húsnaði fyrir spennistöðina, eftir því, sem hagkvæmara þykir að dómi rafveitustjóra, vegna staðsetningar stöðvarinnar.

Þegar lóð er lögð til, er það gert rafveitunni að kostnaðarlausu og skal í öllu hlíta skilmálum rafveitunnar um stærð og staðsetningu stöðvarinnar.

Þegar húsnaði er lagt til, skal það fullnægja settum skilyrðum um gerð spennistöðvarhúsa, að dómi rafveitustjóra. Eðlilegur kostnaður notanda við gerð húsnaðis fyrir spennistöðina greiðist af rafveitunni (í leiguformi t. d. fyrir lengri tíma) og kemur þannig til frádráttar heimtaugargjaldi.

Gjaldskrá þessi gildir í skipulögðum hverfum. Sé um óskipulegt hverfi að ræða eða aðstæður óeðlilegar, skal greiða heimtaugargjald samkvæmt kostnaðarreikningi. Heimtaugargjald skal greitt við umsókn.

**J. Ýmis ákvæði.**

Söluskattur samkvæmt lögum nr. 10/1960, um söluskatt, með síðari viðaukum og breytingum, er talinn með í upphæð gjaldanna, sem um ræðir í gjaldskrá þessari.

Hreppsnefnd er heimilt að hækka eða lækka gjöld, sem ákveðin eru í A- og B-lið gjaldskrár um allt að 20% án sérstakrar staðfestingar ráðuneytisins, enda sé breytingin auglýst í Lögbirtingablaðinu, áður en til hennar kemur.

Gjaldskrá þessi staðfestist hér með samkvæmt vatnalögum nr. 15 20. júní 1923, og raforkulögum nr. 12. apríl 1946, til þess að öðlast gildi þegar í stað og birtist til eftirbreytni öllum þeim, er hlut eiga að máli. Jafnframt er úr gildi numin gjaldskrá fyrir Rafveitu Njarðvíkur, nr. 265 29. desember 1960.

*Atvinnumálaráðuneytið, 30. marz 1966.*

**Ingólfur Jónsson.**

*Þorv. K. Þorsteinsson.*

Nr. 70.

31. marz 1966.

**G J A L D S K R Á**

**fyrir Rafveitu Grindavíkur.**

**I. RAFORKA**

Rafveita Grindavíkur selur raforku á þann hátt og við því verði, sem hér segir:

**A. Lýsing.**

1. Um kwst.mæli á kr. 4.80 hverja kwst. Við þessu verði skal selja hvers konar notkun raforku, sem ekki kemst undir aðra liði þessarar gjaldskrár.
2. Um kwst.mæli á kr. 2.50 hverja kwst., auk fastagjalds, er nemi kr. 14.00 á hvern fermetra gólfflatar í rúmi því er lýsa skal. Fullt fermetragjald skal greiða af gólfleti í búðum, vinnustofum og skrifstofum, en fyrir geymslur og ganga skal greiða kr. 7.00 á ári af hverjum fermetra.

**B. Raforka til almennrar heimilisnotkunar.**

Um kwst.mæli á kr. 1.10 hverja kwst., auk fastagjalds, kr. 12.00 á mánuði, af hverju herbergi íbúðar. Í útreikningi á fjölda herbergja skal telja öll íbúðarherbergi og eldhús, en ekki ganga, baðherbergi eða geymslur. Herbergi, sem er minna en 5 ferm., skal telja sem hálf, en stærra en 25 ferm. sem tvö.

**C. Vélanotkun og fleira.**

1. Um kwst.mæli á kr. 2.50 hverja kwst. Hafi vélarnar mjög stuttan notkunartíma, má krefjast minnsta árgjalds kr. 1420.00 á hvert uppsett kw.
2. Vélanotkun til bráðabirgða um kwst.mæli kr. 2.50 hverja kwst.
3. Ef uppsett rafvélaafl fastengdra véla er yfir 20 kw.:
  - a. Um kwst.mæli á 40 aura hverja kwst., auk fastagjalds kr. 1420.00 á kw.Notað afl telst vera mesta meðalálág á árinu mælt yfir stundarfjórðung.